

洛陽伽藍記

五卷

楊衒之（後魏）撰

蘇 衡
記 陽
廬

石友齋珍藏

中華民國二十二年四月再版

版權所有

洛陽伽藍記（全壹冊）

定價：大洋壹圓

印刷者：洛陽石西齋號

發行者：洛陽大東書局

重刊洛陽伽藍記序

古聖王所以教天下者聖道而已自漢明
帝時西佛始入中國延至有唐其風
益熾蓋佛教之倡久矣元魏時高祖獨
崇尚文明世宗則尊尊釋道金刹星
羅璇臺雲集而善政善教寢爲無聞
以致不數估而燬滅當時之金碧輝煌
琉璃徹魏然上凌霄漢者鞠爲莽草

嘻可懼哉楊衡之作伽藍記錄為拓跋
別史浙江吳子萊前輩臚列勝蹟以
紀于編猶是表秀黍離之遺意也余
讀是篇覺今古之間廢興之際不無有
感於心焉自同治辛未迄光緒丙子居洛
六年因將伽藍記原中付智水禪友重梓以
廣其傳爰綴數語於卷末俾後世有所
考云花朝日大梁劉毓楠拜序

曩者顧丈澗萍嘗病今世通行本伽藍記綱目混淆子註靡
雜謂紫貴曰子多暇日能重爲分晰一如劉氏知幾之所云
乎從事經年悉心推究中間輟業未有所成吳甥次平乞假
南旋娛親之暇兼治此書歲籥一周定本遂出六畧所據者
如隱堂本所參考者何氏毛氏本復旁及于御覽廣記法苑
珠林所引隻字片言咸爲比較疑文訛句論斷獨伸遂迺條
舉件繫成集證一卷復繪圖一篇列諸簡端余旣自悼無成
又惜顧丈病廢不出無由商確義例而甚喜次平好學深思
有功於古人匪淺也爰識數語以爲緣起云

道光甲午三月朔日長興朱紫貴書于吳門楓江草堂

序

元魏崛起朔漠奄有中原高祖賢明卜宅洛土聲明文物用
夏變夷洵乎軼符秦而跨江左世宗忘其國恤崇尚釋氏太
和政教爲之一衰洎乎母后臨朝閹人用事外藩首禍變故
迭興始則余朱氏張卓莽之凶焰繼則賀六渾效曹馬之故
智至永熙遷鄴而魏祚移矣撫軍府司馬楊銜之慨念故都
傷心禾黍假佛寺之名志帝京之事凡夫朝家變亂之端宗
藩廢立之由藝文古蹟之所關苑囿橋梁之所在以及民間
怪異外夷風土莫不鉅細畢陳本末可觀足以補魏收所未
備爲拓跋之別史不特遺聞逸事可資學士文人之考覈已
也其敘錄伽藍始于閭闔宮前西則永寧胡統逵而西則爲
建中長秋瑤光也東則景樂逵而東則爲昭儀修梵嵩明也

其南則景林也其中小寺則願會光明司農也由是而及城外建春門則明懸龍華瓔珞也而宗聖崇真魏昌景興太康以次記焉東陽門則莊嚴秦太上君正始也青陽門則平等景寧也而歸覺附記焉由東而南開陽門則報德也龍華追聖在其東而文覺三寶寧遠正覺以次記焉宜陽門則東有景明大統而西有高陽王寺也而招福雙女永橋之歸正菩提城西之崇虛以次記焉由南而西西明門則沖覺也西陽門則宣惠自馬光寶法雲也而王興御開善以次記焉壽邨里中則又有道光寺也閭闔門則永明也大覺在其西而融覺在其東也由西而北則大夏門有禪虛也廣莫門有凝圓也此其次第也昔劉知幾言銜之此記定彼榛枯列爲子註後人合并不可復辨暇日流覽意存復古忘其淺陋重爲分

析古本旣無由見未必一如舊觀而綱目麤具讀是書者或有取乎圖一篇集證一卷附於簡端卷末世之君子糾其謬焉

道光十三年十二月旣望錢塘吳若準自序

洛陽伽藍記序

魏撫軍府司馬楊銜之譔

三墳五典之說九流百代之言竝理在寰區而義兼天下至於一乘二諦之原三明六通之旨西城備詳東土靡記自頂日感寢滿月流光陽門飾豪雉之象夜臺圖紺髮之形邇來奔競其風遂廣至晉永嘉惟有寺四十二所逮皇魏受圖光宅嵩洛篤信彌繁法教逾盛王侯貴臣棄象馬如脫屣庶士豪家舍資財若遺蹟於是招提櫛比寶塔駢羅爭寫天上之姿競模山中之影金刹與靈臺比高宮殿共阿房等壯豈直木衣綈繡土被朱紫而已哉暨永熙多難皇輿遷鄴諸寺僧尼亦與時徙至武定五年歲在丁卯余因行役重覽洛陽城郭崩毀宮室傾覆寺觀灰燼廟塔丘墟牆被蒿艾巷羅荆棘

野獸穴於荒階山鳥巢於庭樹游兒牧豎躑躅於九達農夫
耕稼藝黍於雙闕麥秀之感非獨殷墟黍離之悲信哉周室
京城表裏凡有一千餘寺今日寥廓鐘聲罕聞恐後世無傳
故譔斯記然寺數最多不可徧寫今之所錄止大伽藍其中
小者取其詳世諦事因而出之先以城內爲始次及城外表
列門名以遠近爲五篇余才非著述多有遺漏後之君子詳
其闕焉

大和十七年後魏高祖遷都洛陽詔司空公穆亮營造宮室
洛陽城門依魏晉舊名

東面有三門

北頭第一門曰建春門

漢日上東門阮籍詩曰步出上東門是也魏晉曰建春門

高祖因而不改

次南曰東陽門

漢曰東中門魏晉曰東陽門高祖因而不改

次南曰青陽門

漢曰望京門魏晉曰青明門高祖改爲青陽門

南面有三門

東頭第一門曰開陽門

初漢光武遷都洛陽作此門始成而未有名忽夜中有柱
自來在樓上後瑯琊郡開陽縣言南門一柱飛去使來視
之則是也遂以開陽爲名自魏及晉因而不改高祖亦然
次西曰平昌門

漢曰平門魏晉曰平昌門高祖因而不改

次西曰宣陽門

漢曰津門魏晉曰津陽門高祖因而不改

西面有四門

南頭第一門曰西明門

漢曰廣陽門魏晉因而不改高祖改爲西明門

次北曰西陽門

漢曰雍門魏晉曰西明門高祖改爲西陽門

次北曰閭闔門

漢曰上西門有銅璇璣玉衡以齊七政魏晉曰閭闔門高祖因而不改

次北曰承明門

承明者高祖所立當金墉城前東西大道遷京之始宮闕

未就高祖住在金墉城城西有王南寺高祖數詣沙門論議故通此門而未有名世人謂之新門時王公卿士常迎駕於新門高祖謂御史中尉李彪曰曹植詩云謁帝承明廬此門宜以承明爲稱遂名之

北面有二門

西頭曰大夏門


漢曰夏門魏晉曰大夏門嘗造三層樓去地二十丈洛陽城門樓皆兩重去地百尺惟大夏門蓋棟干雲

東頭曰廣莫門

漢曰穀門魏晉曰廣莫門高祖因而不改廣莫門以西至於大夏門宮觀相連被諸城上也

一門有三道所謂九軌

洛陽伽藍記圖



里平永 里高上

門莫廣

倉太晉

里廣步

池淵大 泉霍

署盾司 署農典 署田籍

署官專 署第太

里栗治

里陽建 里民綏

橋石昌魏

里景

里華

東橋

市馬

里場租

里景

橋里十

里安東

里致輝

里太泰

里義敬

里德昭

里貨植

里福

里敬孝

里義孝

里孝

市小

里宇紫

府衛左

府衛右

安李

寺正

廟太

府軍護

里冠衣

里義

里崇

里崇

里崇

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

里和

